

KubaseRoma 6:23 Inkhokhelo yesono kufa; kodvwa sipho semusa saNkulunkulu sikuphila lokuphakadze ngaKhristu Jesu iNkhosi yetfu.

KubaseRoma 8:2 Ngobe umtsetfo waMoya wekuphila lokukuKhristu Jesu ungikhululile emtsetfweni wesono newekufa.

2 KuThimothi 1:10 kepha nyalo sewembulwe ngekubonakaliswa kweMsindzisi wetfu Khristu Jesu lowakucitsa kufa; kuphila nekungabhubhi wakuletsa ekukhanyeni ngeliVangeli.

Jobe 5:2 Silima siyafa sibulawe tinhlungu tekutfukutsela kwaso, nemona uyababulala labanengcondvo yebunfwana.

Hoseya 13:14 “Ngiyawubahlawulela yini emandleni elithuna ngibahlenge ekufeni? Ye Kufa, tiphi tifo takho letibulalanako? Ye Thuna, kuphi kubhubhisa kwakho? “Ngiyawubate sihawu.

Tihlabelelo 9:13 Ngihawukele, Simakadze! Bona kuhlupheka kwami lengikubangelwe titsa tami. Nguwe longephula emasangweni ekufa,

Jobe 6:26 Ngekwenu netama kulungisa loku lengikukhulumako yini? Lamagama emuntfu losaphelelwa litsema wona niwenta abe ngumoya yini?

Jobe 33:22 Umphefumulo wakhe udvonseleke emgodzini, nemphilo yakhe indvonswe titfunywa tekufa.

Hezekeli 37:12,13 Ngako-ke phrofetha, utsi kubo: ‘Naku lokushiwo yiNkhosi Simakadze, itsi: Awu, sive sami, ngitawugwabula emadliza enu, nginikhiphe kuwo; ngiyawunibuyisela eveni lenu laka-Israyeli. 13 Ngulapho-ke niyawukwati khona, nine bantfu bami, kutsi mine nginguSimakadze, mhlazane ngivula emathuna enu nginikhipha kuwo.

Matewu 27:52 emathuna avuleka, bantfu labanyenti baNkulunkulu labebafile bavuswa ekufeni.

Genesisi 2:7 Nkulunkulu Simakadze wase ubumba umuntfu ngelutfuli Iwemhlabatsi, waphefumulela umoya wekuphila emakhaleni akhe; umuntfu wase uba ngumuntfu lophilako.

Genesisi 6:17 Ngitawuletsa zamcolo emhlabeni, utawufika abulale yonkhe inyama lenemoya wekuphila, lengaphansi kwelizulu. Konkhe lokusemhlabeni kutawubhubha.

Genesisi 7:15 Tangena kuNowa emkhunjini ngatimbili tako konkhe lokunemoya wekuphila.

Genesisi 7:22 Konkhe lokwakusemhlabeni lokwakuphefumula umoya wekuphila emakhaleni, kwafa.

Jobe 12:10 Kuphila kwato tonkhe tidalwa kusesandleni sakhe, kanjalo nemiphefumulo yabo bonkhe bantfu bemhlaba.

Jobe 33:4 Moya waNkulunkulu ungentile. Umphefumulo waSomandla

unginika kuphila.

Imisebenti yeba Phostoli 17:25 Futsi akadzingi nalutfo lolungumsebenti webantfu labangamnika lona, ngobe yena nguye ioniketa imphilo nekuphefumula nako konkhe kubantfu bonkhe.

Sembulo 13:15 Silo sesibili sanikwa emandla ekuphefumulela lomfanekiso wesilo, kuze kutsi ukhulume, sente nekutsi labo labangawukhonti lomfanekiso babulawe.

Johane 10:10 Lisela litela kweba, nekubulala, nekubhubhisa. Mine ngitele kwekutsi bantfu babe nekuphila; babe nako kuphuphume.

Isaya 28:15 Niyatigabatisa nitsi: “Sesente sivumelwane nekuva, sente sivumelwane nelithuna. Ngesikhatsi sivunguvungu lesishisako siphephula sendlula kitsi, singeke sisitsintse tsine, ngobe sente emanga aba siphephelo setfu, sente emacebo aba yindzawo yetfu yekubhaca.”

Isaya 28:18 Sivumelwane senu lenisente nekuva siyakwentiwa sibe lite; sivumelwane senu lenisente nelithuna singeke sime. Kuyawutsi sivunguvungu sekushisa nasiphephula sendlula kini, sinishaye sinilahle phansi.

Isaya 5:24 Ngako-ke, njengobe lulwimi lwemlilo lukhotsa tibi, nanjengobe tjani lobomile bushona phansi, nabushiswa ngemalangabi, kanjalo timphandze tabo tiyawubola, netimbali tabo tiphephuke njengelutfuli; ngobe bawalile umtsetfo waSimakadze longuSomandla, bedzelela livi laLongcwele waka-Israyeli.

Joweli 1:12 Umvini sewomile, nemkhiwa sewubunile kanjalo nemahananandza, nemasundvu, nesihlahla semahhabhula kanye nato tonkhe tihlahla tensimi setomile. Ngempela kujabula kweluntfu sekuphelile.

Hoseya 13:15 Ngisho nome angahluma njengembali emkhatsini wetinhlanga, umoya waSimakadze, wangasemphumalanga, uyakuta, uhhusha uchamuka ngasehlane, umtfombo waka-Efrayimu uyawuphelelwa ngemanti, nesicobho sakhe some. Likamelo lakhe lekulondvolota liyawuphangwa tonkhe tintfo talo letingemagugu.

Sembulo 22:1 Lengilos iaye ingikhombisa umfula wemanti ekuphila, wawukhanya njengengilazi lekhanya kubonakale ngale. Emanti awo abegeleta aphuma esihlalweni sebhukosi saNkulunkulu neseliWundlu.

Johane 4:10 Jesu waphendvula watsi: “Kube mane bewusati siph saNkulunkulu nekutsi ngubani lona lotsi: ‘Nginatsise,’ ngabe ucele kuye, yena abetakuni emanti laphilako.”

Johane 4:14 Kepha Iwo Ioyawunatsa emanti lengiyawumnika wona, angeke aphindze ome naphakadze; ngobe emanti lengiyawumnika wona, ekhatsi kuye ayawuba ngumtfombo wemanti laphuphumako, kube kuphila lokuphakadze.”

Taga 13:14 Timfundziso temuntfu lohlakaniphile tingumtfombo wekuphila,

umuntfu timncandza etingibeni tekufa.

Taga 14:27 Kwesaba Simakadze ngumtfombo wekuphila, khona umuntfu atekwati kubalekela tingibe tekufa.

Hezekeli 13:17-23 “Nyalo-ke, ndvodzana yemuntfu, bhekisa buso bakho kuwo emadvodzakati esive sakini laphrofetha loko lokusuka emicabangweni yawo. Phrofetha umelane nawo, 18 utsi: ‘Naku lokushiwo yiNkhosi Simakadze, itsi: Maye kubo bonkhe labo labasikati labegaba imitsi yekuhhungula etihlakaleni tetandla, bente imiyeko lemihibahiba ngebudze lobehlukene, bentele kumbonya tinhloko tabo, khona batekwetsiya bantfu. Ningatetsiya yini timphilo tebantfu bami, kodvwa nine nisindze? 19 Nine ningihlambalatile emkhatsini wesive sami, ngobe nicondze kutfola emabinta lambalwa nje ebhali netingebehuta letimbalwa tesinkhwa. Ngekukhuluma emanga esiveni sami, lesilalela emanga, nibabulele labo lebekufanele bangafi, nasindzisa lebekufanele bafe. 20 ‘Ngako-ke naku lokushiwo yiNkhosi Simakadze, itsi: Ngimelene nalobutsi benu bekuhhungula lenihhungula ngabo bantfu nibetsiye njengetinyoni, futsi ngitabudzabula lapho emikhonweni yenu. Ngiyawubakhulula labo bantfu lese nibetsiye njengetinyoni. 21 Ngiyakuyidzabula lemiyeko yenu ngisindzise sive sami etandleni tenu, singeke siphindze sibe yimphango yemandla enu. Ngulapho-ke niyakungati khona kutsi mine nginguSimakadze. 22 Njengobe nibajabhisile labalungile ngalamanga enu, ngibe mine ngingakabadzabukisi, nangenca yekutsi nikhutsate lababi kutsi bangaphendvuki etindleleni tabo letimbi kuze basindzise timphilo tabo, 23 ngako-ke ninkeke nisayibona imibono leyinkohliso, ningabe nisabhula ngekubhula lokungemanga. Ngiyakubasindzisa bantfu bami etandleni tenu. Ngulapho-ke niyawungati khona kutsi mine nginguSimakadze.’ ”

Jeremiya 21:8 Simakadze wakhuluma kuJeremiya, watsi: “Tjela sive, utsi: ‘Naku lokushiwo nguSimakadze, utsi: Buka la, ngibeka embikwakho indlela yekuphila neyekufa.

Jobe 34:22 Kute bumnyama lobumnyama kuye, kute nelitfunti lelimnyama, lapho bentu balokubi bangabhaca khona.

Tihlabelelo 16:10 Ngobe ungeke uvume kungiyekelala endzaweni yalabafile, nome-ke ungeke umvumele lotsandzekako wakho kutsi abole ethuneni.

Tihlabelelo 23:4 Nome ngihamba esigodzini lesinelitfunti lekuva, angesabi lutfo lolubi, ngobe wena unami; intfonga yakho neluvondvolo lwakho kuyangivikela.

Tihlabelelo 30:3 Yebo, Simakadze, ungikhophile endzaweni yalabafile, waphephisa kuphila kwami emkhatsini walababange ekufeni.

Tihlabelelo 49:15 Kodvwa, Nkulunkulu, umphefumulo wami uyakuwuhlenga emandleni ekufa ngobe uyawungemukela. Cabanga.

Tihlabelelo 56:13 Ngobe ungephulile ekufeni, wavikela tinyawo tami kutsi

tingawi, kuze ngihambe embikwaNkulunkulu, ngisekukhanyeni kweKuphila.

Tihlabelelo 68:20 Nkulunkulu, longuNkulunkulu wetfu, unguNkulunkulu wensindziso, emandla ekubalekela kufa ngewaSimakadze iNkhosi.

Tihlabelelo 89:48 Ngubani nje umuntfu loyawuphila angafi? Ngubani nje longatigodla yena angayi ethuneni? Cabanga.

Tihlabelelo 102:19,20 Ngobe Simakadze wabuka phansi, asendzaweni yakhe lephakeme lengcwele, wabuka emhlabeni asezulwini, 20 kutsi atewuva kububula kwetiboshwa, atewukhulula labo labagwetjelwe intsambo,

Tihlabelelo 116:8 Wena, Simakadze, uwephulile umphefumulo wami ekufeni, wephula emehlo ami etinyembetini netinyawo tami ekuweni.

Taga 10:2 Ingcebo letfolakale ngebubi ayikusiti ngalutfo, kodvwa kutiphatsa kahle kukusindzisia ekufeni.

Isaya 26:19 Kodvwa labafile bakho bayawuphila; imitimba yabo iyawuvuka. Nine lenihleti elutfulini Iwemhlaba, vukani nimemete ngenjabulo. Ematolo akho anjengematolo asekuseni laphilisako, umhlaba uyawubakhipha labafile bawo.

Johane 5:28,29 Kunganimangalisi loko, ngobe sikhatsi siyeta lapho bonkhe bantfu labasemathuneni bayawuliva livi layo. 29 Labo labente kulunga bayawuvukela ekuphileni, labente lokubi bayawuvukela ekulahlweni.”

Johane 10:28 Ngitinika kuphila lokuphakadze, futsi tingeke tisabhubha naphakadze, kute nalongatihlwitsa esandleni sami.

Johane 11:43,44 Asakushito loko, wamemeta ngelivi lelikhulu watsi: “Lazaro! Phuma!” 44 Umufi waphuma aboshwe tandla netinyawo ngetindvwangu, buso bakhe bumbonywe ngeliduku.

Johane 12:17 Besifikazile leso sicuku lesasinaye ngesikhatsi abita Lazaro, kutsi akaphume ethuneni, amvusa kulabafile.

Johane 17:2 Ngobe uyiphe emandla ngetulu kwabo bonkhe bantfu, kuze itebapha kuphila lokuphakadze bonkhe labo loyiphe bona.

1 KubaseKorinthe 15:19-26 Nangabe singulabetsembela kuKhristu kulokuphila kwala kuphela, sibantu bekulilelwu kunebantu bonkhe. 20 Kepha manje Khristu wavuswa kulabafile, waba ngumvuli wendlela kulabo labatawuvuka kulabafile. 21 Njengobe kufa kweta ngemuntfu munye, nekuvuka kulabafile nako kute ngemuntfu munye. 22 Njengobe ku-Adamu bonkhe bayafa, kanjalo futsi nakuKhristu bonkhe bayawuvuswa ekufeni. 23 Kepha ngulowo nalowo uyawuvuka ngesigaba sakhe: Khristu kucala, bese kuba ngulabo lababaKhristu ekubuyeni kwakhe. 24 Emvakwaloko kuyawufika kuphela, mhlazana anikela umbuso kuNkulunkulu uYise, nasacitse yonkhe imibuso, nebukhosu bonkhe, nemandla onkhe. 25 Ngobe Khristu kumele abuse, aze Nkulunkulu ancobe tonkhe titsa takhe atibeke ngephansi kwetinyawo takhe. 26 Sitsa sekugcina lesiyawucitfwa kufa.

2 KubaseKorinthe 1:9,10 Yebo, kona, tsine ngekwefu besesibona kutsi

litfunti lekufa selisengeme. Leyontfo yasifundzisa kutsi singatetsembi tsine, kodvwa setsembe Nkulunkulu; ngobe nguye yedvwa lovusa labafile. 10 Nkulunkulu wasikhulula kuleyo ngoti yekufa. Nanyalo usetawusikhulula futsi. Litsema letfu silibeke kuye kwekutsi uyawusikhulula nangemuso,

2 KubaseKorinthe 3:6 Iowasenta safaneleka kuba baphatsi besivumelwane lesisha, lesingesiso semtsetfo lobhaliwe, kodvwa saMoya; umtsetfo lobhaliwe uyabulala, kodvwa Moya uyaphilisa.

KubaseKholose 1:21,22 Nani-ke benikadze nikhashane naNkulunkulu nititsa takhe ngemicabango nangemisebenti yenu lemibi. 22 Kodvwa nyalo Nkulunkulu sewubuyisene nani ngekucitsa ingati yaJesu esiphambanweni, kuze kutsi animise ningcwele, ningenasici, ningenacala embikwakhe.

KumaHebheru 2:9 Kodvwa lesimbonako nguJesu, lowentiwa waba mncane kunetingilos i kwesikhashana. Wetfweswa umchele webukhosni neludvumo ngenca yekuhlupheka kwekufa. Kwaya ngebubele baNkulunkulu kutsi Jesu eve kufa ngenca yebantfu bonkhe.

KumaHebheru 2:14,15 Ngako-ke njengobe bantfwana baba bantfu, naye-ke Jesu waba ngumuntfu njengabo, kuze kutsi abhubhise Sathane labenemandla etikwekufa, 15 kuze akhulule bonkhe labo labatsi ngesikhatsi sonkhe sekuphila kwabo baboshelwa ebugcilini ngenca yekwesaba kufa.

KumaHebheru 11:5 Ngekukholwa Enoke watsatwa, kuze angakuboni kufa; akazange aphindze abonakale, ngobe Nkulunkulu abesamtsetse. UmBhalo utsi angakatsatwa wajabulisa Nkulunkulu.

1 YaPhetro 3:18 Khristu wafela tono tetfu, kwaba kanye, kwenela. Yena lolungile wafela labangakalungi, kuze animikise kuNkulunkulu. Wabulawa ngekwemtimba, kepha wavuswa ngaMoya waNkulunkulu.

2 YaPhetro 1:3 Ngemandla akhe Nkulunkulu usiphe konkhe lesikudzingako kuze siphile, simesabe njengobe simati yena Iowasibitela ekuhlanganyeleni naye emandleni nasebukhosini bakhe.

1 YaJohane 3:14 Siyati kutsi sesiphumile ekufeni, sangena ekuphileni, ngobe sitsanza bazalwane; lote lutsandvo usesekufeni.

1 YaJohane 5:11 Bufakazi ngulobu kutsi Nkulunkulu wasinika kuphila lokuphakadze, nalokuphila kuseNdvodzaneni yakhe.

Sembulo 21:6 Wase utsi kimi: "Sekwentekile. Mine ngingu-Alfa na-Omega, sicalo nesiphetfo. Lowo lowomile ngiyawumnika lilungelo lekunatsa mahhala emtfonjeni wemanti ekuphila.